



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlm V. Ad nostram.

[urn:nbn:de:hbz:466:1-62587](#)

CAPITVLVM V.

Ad nostram.

PARAPHRASIS.

Quidam Canonici Regulares Ecclesie Ne-
mausensis ab Innoc. III, suarum admi-
nistrationum confirmationem impetrâ-
runt, tacito, quod essent Regulares, id
eum ex Praeposito eiusdem Ecclesie co-
gnovisset Papa, mandat Episcopo & Præ-
posito Uticensi, si ita se res habeat, ut con-
firmationem irritam & inanem esse de-
clarent, propterea, quod Sedes Apostoli-
ca non soleat talia regularia beneficia re-
gularibus personaliter confirmare.

SUMMARIUM.

1. Regulari Papa non soler quoad propriam e-
ius personam facile confirmare admini-
strationem beneficij sui Regularis, ita ut
à suo Prelato amoveri non possit.
2. Si tamen constet, Papa fuisse cognitum, quod
beneficium regulare sit, & ab eo confir-
metur, amoveri ab eo regularis non pote-
rit. scilicet crimen depositione digno.
3. Refutatur Sanchez oppositum l.7. Moral.c.
29.n.130. sentiens.
4. Confirmatio aut collatio facta Regulari ab
Episcopo, censetur facta iuxta naturam
beneficij regularis, ita ut Religiosus ma-
near obediensarius Prelati sui.
5. Religiosus curatus beneficij secularis, & non
tantum Vicarius sui Prelati Monasterij,
cui Parochia incorporata est, revocari à
Prelato suo non potest.
6. Prelatus Regularis à manuali beneficio
revocare potest pro libitu, etiam nullâ ex-
pressâ causâ.
7. Nisi ex malitia eum removere vellet, tunc
supplicare posset Superioris, & ab eo audi-
endus esset.
8. Vel si vigeret consuetudo, ut intra certum
tempus non revocetur, sine causa revocari
non posse.
9. Prelatus Regularis validè & licite revo-
care potest à manuali beneficio, et si pro-
f f f f ; misisset

- 88 (†) 50 -

mississet ei , se non avocaturum.

10. Et si jurato promisisset , teneret tamen revocatione & amotio a beneficio , & probabilitate Prelatus non periurus esset.
11. Declaratur quomodo salvo voto Obedientia Regularis beneficium perpetuum possedere possit , à quo à Prelato amovibilis non sit.
12. Beneficium Regularare , quod ex propria institutione manuale est , per prescriptionem cum bona fide fieri potest perpetuum .
13. Resolvitur questio : an beneficium manuale , quod Papa Religioso contulit , à Prelato Regulari revocari possit .
14. Cur regularem provisum secundum viam juris devoluti ad Sedem Apostolicam Prelatus revocare possit , non item provisum per viam preventionis & concurrentias ?
15. Regularis beneficiarius extra claustrum cui obediens debet , Prelato , an Episcopo loci ?
16. De redditibus beneficij plenè umtri Monasterio , Prelatus disponere potest , tanquam de bonis eiusdem , relicta tamen congrua sustentatione Religioso veluti Vicario manuali .
17. Religiosi S. Benedicti ex speciali constitutione subsunt in omnibus Abbatii , & per eum removeri possunt à beneficio regulari , ad id promoti ex provisione Pape vel eius Legati .

Non vnic. Papa non facilè solet regulari quoad personam suam confirmare administrationem beneficij sui Regularis , ita ut à suo Prelato amoveri non possit : nam talis concessio abstrahit Regulari à perfectione obedientiae & paupertatis arg. cap. Abbates. 18. §. Monachi causa. 18. q. 2. Quare docent DD. prout explicavi l. 4. tr. 2. cap. 2. num. 5. quod beneficia regularia plerunque sint manualia , ita ut beneficiarius , seu cui administratio beneficij commissa est , arbitratu Abbatis seu Praeposti regularis amoveri , & ad claustrum

revocari possit. cap. Cum ad Monasterium 6. §. tales de statu Monach.

2. Veruntamen si extra dubium sit , Pontifici cognitum fuisse , quod beneficium regulare sit , illudque in favorem personae , seu proprio motu , seu ad instantiam confirmet , censeri debet provisio beneficij regularis adeò rata , ut ab inferiore Prelato amoveri non possit provisus , secluso criminis depositione digno : uti colligitur ex hoc cap. & sequent. & docet Innocens. in c. Nisi. de prebendis. Franc. in cap. vlt. n. 3. offic. Ordinar. in 6. Navarr. consil. 14. num. 16. de statu Monach. edit. 2. Azor. t. 1. l. 12. cap. q. quest. 8.

Id verò difficile appareat , quod docuit Sanchez. l. 7. moral. 29. num. 130. Si Papa Religioso beneficium regulare absolute confirmet , revocari posse à Prelato , eò quod Pontifex non censeatur naturam beneficij mutare velle : nam contrarium colligitur ex cap. sequente , ubi Pontifex ait : Si rescriptum papale producatur , in quo Religioso beneficium regulare confirmatum sit , de falsitate suspectum esse & lacerandum , quia Pontifex non soleat tales confirmationes facere , quod gloss. ibi verb. confirmantur Abb. num. 4. & 5. limitat , nisi appareat , quod ex certa scientia processerit confirmationis rescriptum ; in dubio verò id non presumendum , cum sit presumptio contra impenetrantem ; fin autem Pontifex in rescripto exprimat beneficij qualitatem , quod regulare sit , tunc uon potest esse dubium de scientia Papæ , quod etiam Rodriguez significat , T. I. Regular. quest. 34. art. 2. Azor. loc. cit. ubi pro eodem habere videntur , Papam confirmare ex certa scientia , & cum expressione qualitatis .

Rationem dare debemus , quia si Papa sciens , esse beneficium regulare , collationem eius in gratiam personæ confirmet , intentio eius est , robur & autoritatem tribuere , consequenter beneficiarius ita confirmatus , arbitrio Prelati inferioris amoveri non potest , cum alioquin ferme inutilis esset confirmatio Papæ , sed neque decora

dec̄ra Sedi Apostolicæ, si ab ea confirmationis in beneficio paulò p̄st, vel saltem, cùm voluerit Abbas, removeri posset. Quare etiam Suarez ait, per confirmationem Papæ Religiosum fieri obedientiarium Papæ, & beneficium ipsi plenè concedi. Ad argumentum Sanch. facilē Resp. negando, mutari naturam beneficij manalis, quandoquidem favor iste, quod confirmatus amoveri non possit ab interiore, sed usque ad finem vitæ administrationem beneficij habere debeat, personalis est. personâ autem mortuâ aut depositâ redit beneficium ad suam naturam.

4 De Episcopo confirmante Regularem, quem Prælatus præsentavit ad beneficium regulare, alia ratio est. cùm enim Episcopus non possit contra sacros Canonis beneficium manuale conferre Regulari ad tempus vita, ideo ius confirmatio, aut collatio fieri censetur secundum naturam beneficij regularis, ita ut Religiosus provisus obedientiarius maneat Prælati sui, sicuti notat hic Alexand. n. 13.

5 Loquimur autem de Regularibus beneficiis, non secularibus: hæc enim suapte naturâ seu jure ordinario perpetua sunt. itaque si Religiosus cum legitima licentia preficiatur beneficio seculari. v. g. Parochiæ, ita, ut ipse sit curatus, & non tantum Vicarius Prælati Monasterij, cui Parochia incorporata est, hoc casu revocari non potest, quia promotio Religiosi. v. g. Regularis Canonici intelligitur secundum naturam beneficij, quod, ut pono, titulum perpetuum habet, sicuti notavit Abb. in cap. 2. num. 3. de statu Monach. ubi ait: quod talis destinat habere communicationem cum Monasterio. Quamvis interim habitum gerere debeat, & Regulam Ordinis, quatenus potest, commodiè observare. argum. c. penult. de vita & honest. Clericorum, videri potest Suarez, qui eadem tradit de beneficiis regularibus extra claustrum, si perpetua & irrevocabilia sint.

6 Quæritur 1. Utrum Prælatus Regularem, cui manuale beneficium collatum est,

revocare possit pro libitu, etiam nullâ expressâ causâ. Affirmandum est ex cit. cap. 7. Cùm ad Monasterium. & Clement. vn. de excessibus Prælati: ubi dicitur: quod tales liberè possint ad claustrum, cùm oportuerit, revocari. non autem liberè fit, ad quod faciendum causa aliqua requiritur, idque ex communi notavit Sanchez loc. cit. num. 120. Suarez contra Rodriq. t. 1. quest. 34. art. 2. ubi ait: quod Monachus, si sine causa à Prælato removeatur, Superioris Judicis officium implorare possit, citatque Innocent. in cap. Insinuante. num. 2. qui Clerici vel vorientes, qui tamen alter loquitur, & recte, si occurreret casus, in quo Abbas vellet ex malitia removeare Monachum à loco, quem ei deputavit, posset supplicare Superiori, & Superior eum audire deberet ad similitudinem servi. l. 1. Cod. de preciis Imperat. offerend. quod etiam tradit Dominic. in cap. Cùm singula. Column. 2. de proband: in a. Addit præterea Suarez, si urgeat consuetudo, ut saltem intra certum tempus à Prælato non revocetur Beneficiarius, tum revocari non posse sine causa.

Quæritur 2. Si Prælatus promisit Regulari, quod eum à beneficio manuali revocare nolit, an nihilominus possit non tantum validè, sed etiam licite revocare.

Affirmandum cum Abb. hic n. 9. Franc. in cap. vii. n. 3. de offic. Ord. in b. Sylvest. V. Abbas. quest. 3. dicto 7. Sanch. cit. cap. 29. n. 125. & aliis contra Navarr. cit. consil. 14. num. 15. Probatur, tum quia Prælatus naturam beneficij manuālis mutare non potest: tum quia impossibile est, ut Religiosus aliquam rem suapte naturâ dependentem à voluntate Prælati irrevocabiliter obtineat, idque propter obedientiæ votum, cui renuntiare non potest, uti colligitur ex ijs, quæ dixi l. 4. tract. 4. cap. 7. n. 14. & tr. 5. 6. 7. n. 19.

Sed et si jurârit Prælatus, se non avocaturum, nihilominus facta postea amotivum obtinebit, teste Abb. hic num. 104. Alexand. num. 14. ait verò Sanch. loco. cit. &c. Abb

Abb. incis. cap. Cùm ad Monasterium. n. 12.
 Prælatum perirum fore, si revocet, id est q; saltem ex virtute Religionis obligari ad non revocandum. Ego verò puto, oppositum probabiliter dici posse per ea, quæ docui l. 4. tr. 3. c. 6. assert. 6. Si promissio sit contra bonos mores, ita ut disciplinam solvat, aut peccandi occasionem præbeat, tum juramentum ipsi accedens irritum & non obligatorium esse. At verò in casu nostro promissio non revocandi obedientiarum Religiosum est contra bonos mores, cùm Regularum observantiam & obedientiæ virtutem immiuat. Ergo. Tametsi enim honestatis ac disciplinæ regula non repugner, si Prælatus Religiosum totâ vitâ suâ in officio vel administratione relinquat, tamen ut se ad id quomodounque obliget, sub peccato id honestari repugnat, ideoque impossibile videtur.

Obijcies, quædam etiam regulatia beneficia esse perpetua, v. g. Prioratus, qui per electionem conferuntur. *cit. c. Cùm ad Monasterium, & notavit gloss. in c. Cùm inter. 16. dum vivere. de elel. & docui l. 4. tr. 2. c. 4. n. 5.* igitur nihil repugnat voto obedientiæ, quod aliquis Regularis beneficium possideat, ita ut amoveri non possit à Prælato.

II *Resp.* Votum obedientiæ à Religioso editum ad ea extendi, quæ Prælati Regularis dispositioni ac voluntati subiecta sunt, non autem ad ea, quæ secundum universales Canones aut Pontificiam potestatem excepta sunt. tale autem est beneficium perpetuum, seu jus alicui collatum beneficij perpetui Regularis aut Sæcularis; nos autem suprà eginus de beneficio manuali, quod proviso jus quidem ac titulum confert, iuxta *Clement. vn. de supplend. neglig. Pralat.* Sed dependentem à voluntate Prælati, consequenter tale beneficium sub voto obedientiæ tanquam materia seu obiectum continetur. His addit porro *Abb. loco cit. Sancb. n. 127.* tametsi Abbas cum Conventu statutum ediderit, ut concessio beneficij regularis perpetua & irrevocabilis sit, quod nihilominus Prælatus etiā invito Conventu revocare possit, nam Abbas seu Prepositus etiam cū

Conventu non potest facere statutum, quo eius gubernativa potestas erga subditos regulares minuatur aut impediatur, sicuti ex communi docet *Sylvest. verb. Abb. q. 4. n. 7.* *Rodrig. s. 3. q. 29. a. 9. Sa. verb. religio. n. 66. arg.* *l. Legatus. 20. ff. de off. Praefatis.* vbi dicitur: quod Legatus Caesaris abdicando non amittit Imperium, nisi resignet in manu ipsius Principis. Deinde etiā ponamus, Prælatum seipsum obligare posse statuto, tamen successorem non posse, nisi à Sede Apostolica statutum confirmetur.

Quæritur 3. Si immemoriali consuetudine observatum fuit, ut Regularis amotus non fuerit ab administratione, num Prælatus jus amovendi amiserit.

Negat universim *Abbas h. n. 12. Alexander n. 16. Sancb. n. 117.* vel enim Prælatus nūquam revocare aggressus est, vel aggressus, sed beneficiarius ei resistendo permanxit: neutro in casu constituitur jus consuetudinis; non in priore; quia per actus, aut omissiones merè voluntarias non inducitur obligatio, & præscriptio; nō in posteriore; quia subditus contra Prælati obedientiam præscribere non potest. *cap. Cùm non liceat. 1. 2. de prescriptionibus.*

Sed arbitror, negari non posse, quin beneficium regulari, quod ex propriâ institutione manuale est, per præscriptionem cum bona fide fieri possit perpetuum. Sicuti docuit *Sancb. s. 4. cit. l. 3. c. 19. n. 20.* Si videlicet ob communem persuasionem ac famam, beneficium esse perpetuum, ita cum bona fide possideatur à regulati. hoc casu concurrunt omnia ad præscribendum necessaria, videlicet temporis diuturnitas, bona fides & possessio beneficij tanquam perpetui & irrevocabilis, præterim si Prælatus velit revocare, & regularis opponat, esse perpetuum, & Prælatus acquiescat, tunc non agit Regularis contra votum obedientiæ, cùm respectu huius beneficij sit in possessione immunitatis & exemptionis cum bona fide, & sic patet Responsio ad argumentum. vide quæ docui l. 3. tr. 1. de just. c. 8. n. 8. & 9.

Quæritur 4. Si Papa beneficium manu-
le Re-

Ie Religioso contulit, num à Prælato Regulati revocari possit?

¹³ Respondeo & Dico 1. Si Pontifex contulit jure de voluto propter negligentiā Prælati Regularis, qui intra 6. meritis vacante beneficio provisionem non fecit, Prælato non est adempta revocandi facultas, dummodo non agat malitiosē, quod facere præsumetur, si absq; causa statim avocet provisum à Papa. Hæc legentur & colligentur ex Clement. vn. de suppl. negl.

Dico 2. Si Papa Religioso beneficiū regulare, quod manuale est, contulit, non potest ei à Prælato auferri, sed à solo Papa. Hæc est communior sententia. Dominic. in c. vlt. tol. 2. ibid. Franc. n. 3. de officio ordinari. in 6. Deiij h̄c. n. 16. Azur. t. 2. l. 3. c. 26. q. 15. Probatur 1. Quia postquam Pontifex manum apposuit, inferior se intromittere non debet arg. e. Cum in distribuendis. 12. de temporib. ordin. & notat Abb. in c. Postulatis. 10. de Cler. excommunicatis. 2. Cùm Papa plenissimam habeat circa beneficia dispositionem. 6. 2. de probend. in 6. ideo si ipse collationem faciat, ea largè explicāda est; sicuti docet Thuscus verb. confirmatio Conclus. 708. n. 48. præsertim in casu nostro, ut concessio Papæ duret, & non statim, aut saltem secundū arbitriū alterius auferatur, id ēque quasi illusoria sit.

Contrarium tradit Abb. h̄c. n. 8. Alex. n. 13. & alij apud Sanc. n. 134. Quia Pontifex cōferendo non censetur mutare velle manuālis beneficij naturam. Resp. ut suprā. Non mutari naturam beneficij, cùm mortuo pro viso beneficium fiat iterum subiectum Prælato. Accedit, quod ipsemet Papa, qui contulit, arbitratu suo provisum avocare possit. itaq; sicuti si Generalis alicui Religioso beneficij administrationem concessit, non decet, ut Guardianus vel Abbas subordinatus auferat, ita multò minus decet auferri, si Supremus Generalis omnium Ordinum, vide licet Papa contulit. Neutro tamen casu de obedientiā perfectione aliquid decedit.

¹⁴ Quæres. Cur Regularem provisum secundū viam juris devoluti ad Sedem Apostolicam. Prælatus removere potest, non item provisum per viam preventionis & cō-

curentiæ, quam habet Pontifex in beneficiis collatione?

Resp. Causam discriminis esse, quia in posteriore casu Pontifex consert propter publicum Ecclesiaz favorem ac necessitatem, ne beneficiū diu vacet: in priore autem casu consert ex gratia speciali erga regularem; gratiam autem seu beneficiū Princeps decet esse mansū, donec à Principe revocetur.

Quæritur 5. Si regularis beneficium regulari extra claustrum præfetus sit, cui obedire debeat? num Prælato à Episcopo loci?

Respondeo & Dico I. Si non tantūn ipsi Religiosi, sed etiam Ecclesia aut beneficium, cui Religiosus præst, exemptum sit ab Episcopo, tunc Prælato suo Regularis in omnibus obedire debet, quia talis Prælatus habet se instar Episcopi, seu, quod attinet ad jurisdictionē in eo loco, veluti Episcopalem jurisdictionem obtinet. vii colligitur ex Trid. sess. 25. c. 11. de Regularibus, & tradit ex communī Smar. cit. l. 3. c. 19. n. 19.

Dico 2. Si Ecclesia seu beneficium non sit exemptum, sed neq; Monasterio pleno jure, id est, tam in spiritualib⁹, quam temporalib⁹ subiectum, esto fortasse monasterii & Abbas erga subditos loci temporalem exercitat jurisdictionē; quia Dominus oppidi est, hoc in casu Religiosus in rebus pertinentibus ad Ecclesiaz suā, alteriusve beneficij administrationem Episcopo, & non Prælato Regulare quamvis exempto obedire debet. Vide ri potest Smar. citato loco.

Dico 3. Si Ecclesia v.g. Parochialis pleno jure, id est, tam in spiritualib⁹, quam temporalib⁹ Monasterio subiecta sit & incorporata, sicuti explicat Gl. in c. 3. de privileg. tunc in pertinentibus ad Parochię administratiōnem Religiosus ibi positus Episcopo suo subiectus est, quamvis cum subordinatione; quandoquidem etiam Prælatus, tamē si absolūte exemptus sit, tamen quatenus cutam Parochię veluti secundū habitum gerit (ipse enim est Parochus perpetuus) subordinatus esse debet Episcopo, prout legere licet in Trident. Concil. sup. cit. c. 11. & docui in Diffut. de Prelat. quæst. 208.

Alius discrimen advertit Smar. cit. c. 19. n. 16

g g g g

7. 6.

7. & seqq. Quia si beneficium ita plenè unitum sit Monasterio, tunc relictâ congruâ sustentatione Religioso veluti Vicario manuali de reliquis redditibus tanquam bonis Monasterij Prælatus disponere potest. sin autem beneficium etiam regulare non ita plenè subiectum sit, sed solum dicatur regulare, quia per regulas administrari debet, vel etiam à Prælato regulari conferri, tali casu Prælatus non potest de redditibus eius disponere. sicut videtur est in Clement. de supplenda negligencia Prælatorum.

17. Ad extremum notanda est limitatio, quæ ponit debuisse quæstione precedente in dicto 2. ex Dominico & Franc. in cit. c. ult. Sanch. 137. quod Religiosi S. Benedicti, qui ad regulare beneficium promoventur ex provisione Pontificis aut Legati eius, in omnibus subesse debeant Abbatii suo, ab eoque revocari possint propter specialem constitutionem ab ipsis citatam.

CAPITULUM VI.

Porrecta &c.

PARAPHRASIS.

Relatum est Innoc. III. quod plures Religiosi, qui Prioratibus, aliisve administrationibus præerant, à Pontifice imperatas literas confirmationis exhiberent super beneficiis suis possidendis, quoad vixerint, eaque occasione bona Prioratum dissiparent, astreantes, se corum respectu Prælati non subesse. Hoc intellecto.

Respondit Papa, se non credere, quod eiusmodi literæ à Cancollaria sua emanarint. quare mandat Delegato, ut Religiosos, qui tales literas exhibent, tanquam falsarios puniant, ut, si in literis confirmationis non fiat mentio Religionis, tum eas tanquam subrepticias propter veri taciturnitatem irritas esse, declareret.

Not. vn. Prioratus aliæve administrationes Regulares, si manuales sunt, non facile Pontifex confirmat Regulari ad tempus vitæ suæ, sicuti dixi e. precedente.

Adverte autem, quod Papa non dicat, tales confirmationes à Romana sede nunquam emanare, id enim falsum est, sicuti Imol. hic advertit n. 2. sed ait, se non existimare, quod

ex sua Cancollaria tales literæ prodierint, & ideo, qui eas exhibuerint, tanquam de falsoitate suspectos puniri posse.

CAPITULUM VII.

Examinata &c.

PARAPHRASIS.

Lis erat inter Nobilem de Rivaria & milites Campanie, super iure Patronatus, in qua partes sub certa forma compromiserunt in Vice Dominum (seu Vicarium) Sabinensem, is arbitrium seu laudum promulgavit, quod partes ambæ receperunt, & communis consensu à Cœlestino III. confirmationem eius impetrarunt. Sed successor eius Honorius III. huc rescribit, cum arbitrii seu laudum contra formam juris & compromissi promulgatum fuerit, ideo non obstante confirmatione Papali, quippe que data fuit cum clausula, sicuti arbitrium providè latum, & ab utraque parte receptum est, irritum, & inane esse.

SUMMARIUM.

1. Sententia aut arbitrium ipso jure nullum, non potest ex partium consensu approbari.
2. Neque si illud confirmetur à Pontifice in forma communis, ideo valorem consequitur.

Not. I. Si sententia, aut arbitrium (nam arbitria ad formam judiciorum redacta sunt l. 1 ff. de arbitris) sit ipso jure nullum, non potest ex partium consensu approbari. ita sumitur ex hoc cap. Ratio est, quia sententia, aut laudum, cum sit aliquid juris, non est subiectum partium voluntati.

Sed obstat videtur l. 2. C. communia trius, iudicis, iudicata gl. finali. vbi dicitur: quod sententia, quæ irrita est, partium consensu approbari possit, ita ut saltem per modum pacti obliget.

Resp. Cum Abbe huc n. 4. Veram esse hanc doctrinam, si id, quod per sententiam decretum, partium voluntati & dispositioni, aut transactioni subiiciatur, quod in casu nostri Capituli non erat, agebatur enim de jure Patronatus, quod secundum juris Ecclesiastici dispositionem, & non secundum liberum voluntatis, aut partium compete-re potest, præfertim personis laicis, uti dicitur tit. de jure patronat. lib. 3.

Not.